

- also si ime got hete irhorn der wolte uon in werden geborn.
 Der chunic hiz in sin wille chomen, same tet er di sin sune;
 860. er fragete, waz si chunden werchen oder wi si ime wolten dinen,
 durh ir watliche wolter in geben ambahte riche.
 si sprachen daz si nihtes spuelten niwar ir uihes halten,
 [si sprachen] daz si gerne ze site heten daz ir uorderen taten,
 si baten daz si musen besten in der marche ze Jessen.
 865. Der chunic sâ gewerte des ir uater gerte,
 da daz lant beste bare daz ez ir ware,
 'daz ev aller beste liche da besizet dev riche'.
 Jacob duhte in sinen gebaren den chunic ein geistlich man;
 do frageter in uon sinem altere, wi uile siner iare waren.
 870. Er chot, [daz er] niht alter ne ware ne wane zehenzic unde drizec
 [er chot,] di so gelebet ne hete in decheiner slahte gûte, [iare.
 daz er so alt wurde so er scolte uon geburte.
 Do si do uol redeten des si gezam beide,
 Jacob genadote deme chunige
 875. [unde beualeh in gote] mit sineme segene
 unde nam urlop; gi zu sineme sune Josep,
 der gab ime al des genuc des div erde par oder trûc;
 Da daz lant bezzeste was Jacob mit sinen sunen ez besaz.
 Von tage ze tage merote sich des hungers clage,
 880. svaz daz livt scazzes hete den prahte ez ze Josebe,
 umbe daz chorn si in gaben uerre ioh nahen
 uber al daz riche: des wart des chuneges chamere [uil] riche.
 Do si ne mere scazzes heten, ir uihe si prahten,
 rinder unde scaf esele unde ros da nah.

- | | |
|---|---------------------------------|
| 858. W. als ime si got het irhorn
want er wolte. | 866. W. lant pezzeste pare. |
| 860. wi si in. W. wie si ime. | 868. W. Jacob duht der chunich. |
| 861. riehev. W. riche. | 870. W. Er chod nieht altere w. |
| 863. W. sprachen gerne. | 873. des si beide gezam. |
| 864. W. baten <i>ohne</i> si. . . marche ge- | 879. Don tage. W. Vone tage. |
| 865. so gew. W. sie werte. [sên. | 880. W. ze ioseph iz in pr. |
| | 881. W. si imen gaben. |